

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“ broj: 7/10) i Programa utroška sredstava planiranih Budžetom Zeničko-dobojskog kantona za 2016. godinu, Ministarstva za rad, socijalnu politiku i izbjeglice broj: 02-14-7046-1/14 od 29.03.2016. godine i broj: 02-14-13333/16 od 21.07.2016. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 64. sjednici, održanoj dana 29.07.2016. godine, d o n o s i

O D L U K U

o odobravanju sredstava za sufinansiranje projekata obnove infrastrukturnih objekata u općinama Maglaj, Žepče, Zavidovići i Vareš, s ciljem potpore povratku

Član 1.

(Predmet)

(1) Odobravaju se sredstva u iznosu od 140.499,70 KM (slovima: stotinučetdesethiljadačetiristotinedevadesetdevet konvertibilnih maraka i 70/100) kao učešće Zeničko-dobojskog kantona u sufinansiranju realizacije projekata obnove infrastrukturnih objekata u općinama Maglaj, Žepče, Zavidovići i Vareš, s ciljem potpore povratku na područje ovih općina.

(2) Sredstva iz stava (1) ovog člana odobravaju se u iznosima kako slijedi:

a) Za općinu Maglaj iznos od 35.500,00 KM za projekte:

- 1) Izgradnja i rekonstrukcija lokalnog puta na dionici MZ 17-Ravna-Oručje – 20.000,00 KM;
- 2) Izgradnja lokalnog puta Strupina-Lukići- 6.000,00 KM;
- 3) Završetak sportskog igrališta MZ Kopice- 5.500,00 KM;
- 4) Uređenje pravoslavnog groblja u Crnojevićima po zahtjevu MZ Bočinja- 1.000,00 KM;
- 5) Izgradnja i rekonstrukcija lokalnog puta Domisljica-Čobe- 3.000,00 KM.

b) Za općinu Žepče iznos od 39.999,70 KM za projekte:

- 1) Lokalni put MZ Zenički put- 13.795,10 KM;
- 2) Rekonstrukcija puta u MZ Ciglane-lokacija 2- 4.145,60 KM;
- 3) Sanacija krova na objektu JU Centar za socijalni rad i Službe za opću upravu i društvene djelatnosti- 22.059,00 KM.

c) Za općinu Zavidovići iznos od 35.000,00 KM za projekte:

- 1) Izgradnja puta Vožuća-Crnjevo- 15.000,00 KM;
- 2) Rekonstrukcija lokalnog puta Zavidovići-Dubravica- 9.000,00 KM;
- 3) Rekonstrukcija puta Čardak u naselju Čardak- 7.000,00 KM;
- 4) Rekonstrukcija puteva u MZ Ribnica- 4.000,00 KM.

d) Za općinu Vareš iznos od 30.000,00 KM za projekat “ Rekonstrukcija dijela lokalnog puta Zvijezda (Lovački)-Očevlje“- 30.000,00 KM.

Član 2.

(Analitička konta)

Sredstva za realizaciju infrastrukturnih projekata na području Zeničko-dobojskog kantona iz člana 1. ove odluke isplatit će se iz Budžeta Zeničko-dobojskog kantona za 2016. godinu („Službene novine Zeničko-dobojskog kantona“ broj: 02/16), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“ na način definiran Sporazumom o udruživanju sredstava za realizaciju infrastrukturnih projekata na području Zeničko-dobojskog kantona, koji čini sastavni dio ove odluke.

Član 3.

(Uplata sredstava)

(1) Doznaka odobrenih finansijskih sredstava će se vršiti na račun izvođača radova, odabranih nakon provođenja procedure odabira izvođača radova u skladu sa Zakonom o javnim nabavkama Bosne i Hercegovine („Službeni glasnik BiH“ broj: 39/14), koju će provoditi Federalno ministarstvo raseljenih osoba i izbjeglica, kao nosilac projekta.

(2) Ugovori o izvođenju radova na projektima iz člana 1. ove odluke će se potpisati između sufinansijera na realizaciji ovih projekata: Federalnog ministarstva raseljenih osoba i izbjeglica kao nosioca projekta, Ministarstva za rad, socijalnu politiku i izbjeglice Zeničko-dobojskog kantona i Općina Maglaj, Žepče, Zavidovići i Vareš sa odabranim izvođačima radova.

Član 4.

(Ovlaštenje i provođenje Odluke)

(1) Ovlašćuje se Ministar Ministarstva za rad, socijalnu politiku i izbjeglice da u ime Vlade Zeničko-dobojskog kantona potpiše Sporazum o udruživanju sredstava za realizaciju infrastrukturnih projekata na području Zeničko-dobojskog kantona, kao i ugovore o izvođenju radova na projektima iz člana 1. ove odluke.

(2) Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 5.

(Izveštavanje)

Ministarstvo za rad, socijalnu politiku i izbjeglice Zeničko-dobojskog kantona će koordinirati sa Federalnim ministarstvom raseljenih osoba i izbjeglica kao nosiocem projekta, s ciljem praćenja i izvještavanja o stepenu implementacije projekta.

Član 6.

(Stupanje na snagu)

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona”.

Broj: 02- 14-13734 /16.

Datum, 29.07.2016. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Federalno ministarstvo raseljenih osoba i izbjeglica (putem ministarstva),

1x Općine Maglaj, Žepče, Zavidovići, Vareš (putem ministarstva),

1x “Službene novine Zeničko-Dobojskog kantona”,

1x a/a.